



12

13
951
5





門 413  
號 951  
卷 5

隴北詩鈔七言律

大正十五年二月  
花房仙文辭氏寄贈

梅花

陽湖 趙翼 雲崧

殘臘春心世未知，忽傳芳信到南枝。  
身立雪程門弟，素面朝天號國姨。  
紙帳有香吟倦後，縞衣無影夢回時。  
清晨動我巡檐興，準備東風第一詩。

正是冰霜徹骨天，何當冷蕊別姸衆。  
芳皆後真香祖，同調無多只水仙。  
踏凍來尋芒屨滑，忍寒相對繡帘寒。  
着花老樹嫣然處，箇是人間枯木禪。

江南江北枉相思，何處探春見一枝。  
古寺月明僧定夜，



國才言金  
空林雪滿鶴歸時。竹松自結同心契。蜂蝶寧容半面窺。  
到得百花爭炫處。始知老輩不求知。

隴頭流水嶺頭雲。消息相關結想殷。一到歲寒誰伴我。  
每逢月落便思君。寫真不藉丹青筆。作賦何妨鐵石文。  
剩欲訂為交耐久。江城笛好數相聞。

古今咏梅詩多矣。工切  
渾脫應以此爲第一。

### 贈性海上人

小茅菴底酌香醪。詞客詩僧兩老饕。偏袒右肩獅獨吼。  
堅持左手蟹雙螯。參寥戒爲狂來破。蘇晉禪須醉後逃。  
灌頂醍醐原佛諦。未妨世眼笑醅醕。

### 新霽同杏川諸人散步

積雨江村綠漸稠。喜逢霽景豁吟眸。春留紅藥拖殘尾。  
雲放青山出一頭。聲在樹間禽姓杜。香尋花底蝶爲周。  
郵翁莫笑貪兒戲。我是人間馬少游。

### 陽湖晚歸

布帆輕颺晚風微。回首陽山正落暉。鷺點碧天飛白字。  
樹披紅葉賜緋衣。詩情澄水空無滓。心事閒雲澹不飛。  
最喜漁歌聲欸乃。扣舷一路送人歸。

### 黃天蕩懷古

打岸狂濤捲白銀。似聞桴鼓震江津。歸師獨遏當強寇。  
兵氣能揚到婦人。有火誰教戎箭射。無風何意海舟淪。



建炎第一功終屬太息西湖竟角巾。  
航海先傳警蹕趨孤臣猶自矢捐軀小朝氣象偏安局。  
半壁江山百戰圖龍廟尚傳舟似馬鶴河終恨幕啼烏。  
章安不作崖山覆容易諸公赤手扶。

題明太祖陵

四首之一

定鼎金陵控制遙宅中方軌集輪鑣千秋形勝從三國。  
一樣江山陋六朝燕啄皇孫傳豈誤謂靖狗烹諸將亂終。  
消橋陵曾借神僧穴易代猶聞禁採樵。

淮陰釣臺

遺蹟長淮一釣臺常令過客此低徊蕭曹內本無君坐。  
雲夢間還謁帝來與噲伍憐魚服困假齊王伏狗烹災  
千秋此獄難翻案留作人間千古哀。  
此詩便可作千秋定案

泊頭鎮印日

曲曲圍牆短短籬黃塵和粉點胭脂春來北路稀花事。  
人在東風學柳絲枉自數錢工姦女方將乞食到歌姬。  
河干小泊超神觀欲笑阿難被咒時。

入都依外舅劉午巖先生館舍

時先生客於宮保尹公第

倦羽飄飄得暫投蕭齋燈火話羈愁我來客路誰青眼。  
公在名場已白頭五畝何時乘下澤一壺還仗引中流。  
旁人不識飢驅出只道從師負笈游。



辛苦蟲魚手自箋。公車曾載牘三千。病猶作客因賢主。老不趨時讓少年。篋裏一經垂就業。畫中二項未成田。隣公已是依人廡。我又依公似拇躄。

呈座主休寧汪公

六六天鄣氣鬱龐。挺生耆碩道經邦。文章一代推燕國。風度千秋繼曲江。司馬鑑開書局纂。

帝鴻硯贊筆椽扛。身當鼎鉉和羹久。早晚宣麻下鎖窗。

退食歸來雅興長。三間新築職思堂。名齋杜門客少心如

水。謀國年深髡有霜。運腕字開千石弩。等身書擁一爐

香。履綦依舊儒生樣。誰識班聯日月旁。

土城懷古

德勝門外土阜本元都。健德門故址然土人至

今呼為蕭太后土城。必有所自。按遼聖宗母蕭

氏最賢。岐溝關之捷。益津關長城口及瀛洲之

戰。澶淵之役。皆與聖宗同行。此或其駐師地也。

郊圻屹竝土門崇。遼后曾經此詰戎。赤帝敢傷吾子白。

雌風偏勝大王雄。封椿坐困南朝費。歲幣終來內府充。

千載遺踪有雙阜。猶傳女隊簇妝紅。

新營之極保泰

負辰圖成髻未華。手攜嗣主戰邊沙。不聞宮掖悲人鏡。

肯使兵塵喪帝艸。粉黛三千歌入塞。燕雲十六紀傳家。



笑他瓊島妝臺女空把才名後代誇

太液池瓊華島舊有金章宗李宸妃妝臺

壬申下第作

倦游情緒峭寒天人海喧中黯自憐漫擬穿楊憑一箭  
又須刻楮費三年達磨向壁空叅佛子晉吹笙已得仙  
席帽中箱商去住欲歸誰辦買山錢

身本高陽一酒徒無端托業忝為儒舉場我歎魚緣木

敗卷人嗤鬼畫符

三字見元遺山詩

羞學空函書咄咄共誰擊缶

和鳴鳴祇應白髮高堂夢猶問泥金信到無

閉門仍與一編親肯使千時踏軟塵鑄硯終看穿視日

拆橋多是過橋人關河倦羽三更鴈風雪寒衣百結龍

笑看彌衡名刺在已經磨滅字都湮

哭杭廷宣之訃 三首之一

河梁送我峭帆輕一別俄驚幾載更久客不歸無異死  
故人入夢尚如生過車三步他年痛許劍千金舊日情  
身計定知君不含忍辭殘局為收枰

沉摯

集益齋印事戲呈休寧座主

退直歸來雅興賒閒商文史浩無涯公於此已肱三折  
我愧才非手八叉幸有津梁先路導何煩絲竹後堂譁  
步趨宛憶童時景書館從師侍絳紗

時晴齋與王穀原舍人小飲



西窗剪燭月痕斜。旅邸相依感鬢華。倦後客懷叢桂樹。瘦來人似老梅花。才名競欲招東閣。先客梁薊林冢宰第今客汪松泉司空第狂態兼愁溺正衙。且莫臨觴悲晚晚。千秋著述已成家。

哭杭應龍先生墓

漬酒那禁涕淚俱。死生曾不待須臾。我歸但有徐君墓。公在曾憐趙氏孤。奔問已悲新宿草。酬恩空托一生芻。依然牀下梁松拜。無復溫言誨座隅。

垂楊

垂楊依舊卷窗紗。簾幕無聲但日斜。小杜去猶非綠樹。前劉來已失桃花。紅綃枉自思公子。碧玉仍憐嫁小家。彈指鴻泥成往跡。蕪菁香裏飯胡麻。

做廬將圯稍事修葺詩以落成

隙地何曾拓數弓。編茅早課索絢功。客途久厭三間廡。儒行原尊一畝宮。陋稱簞瓢居巷內。貧真樓閣造空中。只愁斷手無多日。又向天涯作轉蓬。

戲題汶上旅壁

征途日日轉勞薪。偶見天桃始覺春。滿面黃塵投旅店。一羣紅粉看詩人。梁炊久醒游仙夢。花落難沾學佛身。為語纏頭無長物。或將好句寫羅巾。

樓桑邨



桑蓋童童已古邱。英雄氣尚亘千秋。敵強終造三分國。士少能臣第一流。長坂安行真大度。益州詭取亦陰謀。獨憐故里終拋棄。不及歌風沛上遊。

穆庵侍讀見余近作枉贈佳章依韻奉答

枉將辛苦學如豨。閉戶窮經願每違。漫擬莊嚴千佛塔。尚慚補綴百家衣。鞭長難護揚雄甌。綆短方思董子帷。旅邸喜仍鄰近在。可容鑿壁借餘輝。

丙子元日早朝即輪直內閣

千行鷓鴣集初寅。肅聽鳴鞭拜舞勻。玉燭星雲三殿曉。珠杓雨露九天春。笙歌響入和風度。旗繖光涵旭日新。

朝罷獨趨輪直地早欣發筆寫

恩綸 有唐人早朝詩遺韻

同邵耐亭郊行

草綠裙腰到楔辰。相邀勝侶去尋春。波空有影凌羅襪。塵軟無聲碾畫輪。柳絮前身原蕩子。桃花對面有佳人。誰知衮衮長安陌。着此蕭閒兩角巾。

軍機夜直

鱗鱗鴛瓦露華生。夜直深嚴聽漏聲。地接星河雙闕迥。職供文字一官清。蠶箋書剪三更燭。神索風傳萬里兵。時方用兵西陲所愧才非船下水。班聯虛忝待承明。



清切方知

聖主勞手批軍報。夜濡毫錦囊。有策兵機密。金匱無書。廟算高。樂府佇聽朱鷺鼓。尚方早賜紫貂袍。書生耗筆。漸何補。不抵沙場斫賊刀。

下直同漱田秋帆諸人郊行卽事

油碧車輕度軟紅。看花喜有素心同。一春晴雨常參半。三月寒暄最適中。芹沼泥融銜燕子。柳塘水漫浴鳧翁。清遊不在彈章例。莫便驚他御史驄。  
路遇巡城御史故云  
雨過青圻淨麴塵。出郊人馬共欣欣。班輪隻日餘雙日。春已三分過二分。蝶趁衣香芳草路。鴉銜祭肉夕陽墳。郊行景色真堪畫。只少擔瓶一老軍。

遊檀柘寺

蓮漏聲中轉六時。山房春靜日遲遲。龍妝老叟時聽講。鶴被仙人每借騎。礙石竹多旁出筍。交柯樹似寄生枝。何當結夏來趺坐。清簟無塵一局棋。  
新絕

題美人春睡圖

海棠春暖正微醺。午睡聊收繡線紋。香篆碧縈魂一縷。枕痕紅透肉三分。畫師何處窺曾見。侍女私相語弗聞。且莫真真喚名字。夢中或已去行雲。

擬秋獮應制



大。獮。行。邊。輦。路。清。塞。垣。風。緊。峭。寒。生。九。天。秋。肅。驅。劉。信。  
馬。帳。宵。嚴。虎。衛。兵。上。駟。別。羣。棚。烙。字。頭。驚。驗。獲。箭。書。名。

平。肆。武。軍。容。盛。雙。燾。黃。龍。蠹。幔。城。

氣格逼唐

八。周。陸。水。木。華。茸。茸。軟。草。不。飛。沙。地。包。邊。塞。逾。千。里。  
華。戎。共。一。家。衛。士。割。鮮。燒。楮。名。王。行。炙。奏。琵琶。  
夜。獵。成。年。例。石。鼓。岐。陽。豈。足。誇。

次韻酬袁子才見寄之作

朝。衫。作。野。樵。雲。煙。滿。塢。養。心。苗。才。名。未。肯。將。官。換。  
好。句。還。應。仗。福。消。技。有。鼻。傷。非。郢。斲。音。無。肉。味。是。虞。韶。  
何。當。一。訪。隨。園。去。鴻。爪。雙。雙。跡。互。標。

西。廡。觀。烟。火

晚。直。郊。園。月。未。斜。昇。平。樂。事。覽。繁。華。九。邊。塵。靜。平。安。火。  
上。苑。春。催。頃。刻。花。跋。浪。魚。龍。烟。是。海。劈。空。雷。電。礮。爲。車。  
歸。途。尚。有。餘。光。照。一。路。林。巒。映。紫。霞。  
好句天成難得如此雄傑

歲暮劉蘭陔刑曹竹軒中翰招同章習之吏部暨

北墅漱田玉亭諸同人燕集梨園小部縱飲追

歡卽席有作

休。沐。相。招。歲。晚。天。斜。街。宵。集。騎。聯。翩。早。煩。掃。雪。三。三。徑。  
來。趁。消。寒。九。九。筵。劇。孟。賓。朋。遊。俠。慣。琴。參。兄。弟。好。奇。傳。  
沉。沉。漏。鼓。留。髡。處。風。景。真。令。裂。老。顛。



急管繁絃總樂方。梨園小隊簇新妝。憑他種末都盧戲。演出人間傀儡場。曼睪波橫燈影炫。纖腰風蕩舞衣香。冰霜帘外寒如許。誰識春先此地藏。

移寓椿樹衙衙

頻年書劍客平津。宣武坊今僦屋新。喜有園林教作主。敢誇門戶不侂人。賃春尚未借荆婦。農春將到祭竈仍先請比鄰。莫笑腐儒家具少。牙籤也自壓雙輪。

對門有歌者胡郎寓

來聽北里

新翻曲到及東風。滿院花詩社分題。馳檄促酒杯留客。隔牆吟書齋別有新妝。點粉壁名箋爛似霞。同人皆有詩其選

時晴扁額墨光浮。猶是尚書手筆留。人物百年思老輩。

主賓十載感前遊。名歸青史無瑕指。地過黃鑪有淚流。

門館重來陳迹在。豈勝華屋恰西州。寓即在文端師時晴齋書室

三詩情文綿邈百讀不厭故

木蘭較獵恭紀

祭纓令肅正新涼。路指周陸較獵場。夜火千屯山氣紫。秋風萬騎塞塵黃。清時邊備無傳警。絕徼軍威正撤防。自為昇平勤肄武。豈徒琴麗侈長楊。

行闕嵯峨倚翠屏。名王俱入宴彤廷。嘗新螯蟹勝淮白。魚名見揚奏捷頭鷺有海青。酒醉瓊漿清暑殿。香霏金粟廣



寒庭欲知 湛露恩深處 瓊管鈞天十日聽 行宮大宴十日過 中秋即入木蘭

啟蹕旌麾肅隊齊 舌人添譯玉關西 轡調八駿皆宛馬

刀帶千牛有霽奚 哈薩克進八駿馬 降夷多備宿衛 霜信遲 猶留嫩草潦痕退

已如輕泥木蘭好 片清秋景黃葉青山百鳥啼

千三百騎布圍成 番部簽來歲踐更 拂鞞鞭追飛兔影

鳴髀箭作餓鷓聲 烽烟前代防邊地 裘褐 中朝保塞

兵最是獲禽頒賞處 滿營膜拜頌 恩榮

哨鹿三更帳殿開 隨行數騎盡銜枚 地當深入多熊館

物有相招似雉媒 獲雉呼燈山外火 割鮮行酒馬前杯

相如何用憂銜壓

天子曾經殺虎來 上哨鹿手殺一虎有 御製虎神槍歌紀事

獵罷歸程馬首東 諸蕃曉送繡旗紅 路分塞外龍堆雪

秋入關南雁陣風 黍熟市低沽酒價 犁閒人課索繡功

宸遊別有欣然處 繡甸年年慶屢豐

哭杭白峯之訃 五首之一

傳家節孝澤宜償 研削燈窗志激昂 元凱生平書有癖

次公意氣醜而狂 筆堪塚瘞知多少 墨與人磨互短長

一第未邀知不瞑 重泉應尚吐光芒

悼亡

扁舟纔到暮春中 淒絕秋閨罷女紅 千里赴京如送死



十年為婦正奇窮。瓦燈猶照空牀。簾總帳誰扶。削杖桐

生一子已殤。正是薊門搖落後。淚和殘葉灑西風。

百分絕少一分償。只道將來日正長。多病尙辭賒藥餌。

新婚便典嫁衣裳。頻年癡想登高第。半載窮奢食太倉。

信有人間論薄命。擬呼日者再推詳。

急景俄驚逼歲闌。殘冬隨例作去聲消寒。老親摒擋迎年

酒。弱女經營餞臘盤。爆竹聲中虛煖熱。燭枝淚下共泫

瀾。劇憐蕭寺冰霜夜。冷骨孤眠七尺棺。沉痛入骨舟

新僦宅有小樓可憩而多狐祟詩以禳之

漫憑狡獪擾幽廬。禍福靈氛早告予。山鬼豈知經歲事。

仙人浪說好樓居。開堂笑汝禪仍野。媚竈慚吾術已疎。

談易倘如王輔嗣。未妨來對一窗虛。即人則亭效此

題藥庵僧遺像其裝畫數百餘卷

曾住花山最上層。披圖猶見骨峻嶒。立朝章疏批鱗手。

易世衣冠削髮僧。故國遺墟傷北望。空門法席演南能。

孤標白是經奇士。莫但相推續佛燈。其許亦與僧書

過文信國祠同舫芬作

鬚眉正氣凜千秋。丞相祠堂久尙留。南渡河山難復楚。

北來俘虜豈朝周。出師未捷悲移鼎。視死如歸笑射鈎。

何事黃冠樽俎語。平添野史污名流。



三百餘年養士恩。故應末造澤猶存。半生聲伎勤王散。一代科名死事尊。滿地白翎人換世。空山朱噶客招魂。笑他北去留承旨。也是南朝一狀元。

戰罷空坑力不支。拚將赤族殉時危。死堅獄吏囚三載。生享門人祭一卮。血碧肯污新贈諡。汗青終照舊題詩。如何一本梅花發。分半南枝半北枝。

三詩警切精鍊德麟

贈張吟薌

倚聲絕藝似珠圓。鏤月裁雲過百篇。花影得名張子野。井泉到處柳屯田。傳來曲部人爭寫。唱入旗亭妓最妍。笑我聱牙難入律。銅琵琶上撥皮絃。

大雨倒牆戲筆

鳴簷三日雨淋浪。摧倒苔垣一丈長。并使相如無立壁。或傳夷甫竟排牆。蝸涎作字難留迹。鹿眼編籬且畫疆。除却青氈本何有。不妨恃陋少隄防。曾笑冰山易作泥。不虞識在小庭西。故人來訪應排闥。鄰女如窺免上梯。亂石已妨行藥步。濕塵先掃落花蹊。最憐十五蕭郎竹。也復玲瓏被壓低。

二詩逸態橫生

南苑大閱恭紀

雪晴南苑曙光暉。翠輦親臨閱武來。千步廣開盤馬地。一旗高颭晾鷹臺。風雲捲陣戈揮日。烟燄騰霄礮震



雷特許遠夷觀壁土威聲早過白龍堆

高文典錄用相如

己卯元日早朝

彤庭冠佩賀元辰今歲朝儀分外新  
雞鹿塞俱編屬國麒麟閣已畫功臣  
呼韓稽首班行肅契苾駢肩宿衛親  
紉縵五雲金闕朗太平中外一家春

入古北口

路從雲霧下崔巍響踏空山落葉堆  
投棧馬嘶歸意急入關雁帶峭寒來  
新茅縛把增簷角老樹刨根作炭材  
又是一番風景換好將月令譜邠郃

春和相公四十壽詩

扶桑弧矢掛青旻黃閣開筵正早春  
賜券功兼官將相秉鈞身是國勲親  
萬問廣廈胸恢廓千頃澄波量渾淪  
平格何須多祝頌天教霖雨潤斯民  
一德堂廉喜起歌手調伊鼎奏羹和  
虛舟相度猜疑少連茹人材長養多  
温室樹前頻贊畫小車花下亦經過  
從知四海蒼生福當國名臣髯未皤

文端師

論葬事畢余囑其二子承需承壽入京

奏謝舊時賓客皆目笑之以爲何所望也及需  
得官壽亦得舉人或又謂余有畫策之能抑知  
聖天子垂念舊臣久而弗替豈臣所能仰窺萬一乎



詩以誌愧

葛。帔。西。華。傍。路。塵。昔。時。賓。履。更。誰。親。豈。應。成。季。勲。無。後。  
亦。恐。田。橫。客。笑。人。一。代。特。開。新。郵。典。庶官既歿移賜其弟此例從來未有  
九。重。自。念。舊。勞。臣。衣。冠。優。孟。慚。何。與。劇。喜。師。門。免。負。薪。  
和友人洛陽懷古四首

芳林園

魏明帝因漢舊苑增築後以避齊王芳諱改名華林園

包。絡。川。原。禁。籟。愜。令。嚴。將。作。鼓。聲。催。也。如。銅。雀。臨。漳。起。  
遂。使。金。人。別。漢。來。繡。轂。千。蹄。官。負。土。縹。綾。半。臂。帝。登。臺。  
洛陽他日名園遍風氣多應自此開

金墉城

晉受禪後居陳留王於此

另築名都處讓皇洛陽城外又宮牆近非別苑遊春地  
閒似禪家退老堂正朔尙留殷沫土附庸畧仿漢山陽  
可憐猶是唐虞局從此商孫少裸將魏晉革易故主皆以善終劉宋後無此事矣故云

梓澤園

石崇別業即金谷園

一。代。豪。華。擅。此。園。朝。朝。暮。暮。最。銷。魂。美。人。絕。色。原。妖。物。  
亂。世。多。財。是。禍。根。浮。白。觴。前。猶。舞。影。落。紅。枝。上。忽。啼。痕。  
樓頭一擲終佳話能博蛾眉死報恩

西陽門

石勒擒劉曜處

東。西。二。帝。此。相。攻。事。往。猶。傳。戰。血。紅。兩。陣。間。分。誰。盜。賊。  
六。經。外。另。有。英。雄。冰。痕。早。泮。靈。昌。渡。鈴。語。先。占。替。戾。風。



千載共知胸磊落，故應狐媚笑曹公。

七言傑句古來以少陵五更三峽一聯為絕唱然猶第寫景也此獨從議論中迸出光燄萬丈是何等神力哉

修史漫興

史局虛慚費月餐，古今歷歷作閒觀。千秋於我宜何置，寸管論人固不難。高燄輝燦紅燭炬，古香浮硯翠螺丸。只輸小宋風流處，少个濃粧伴夜闌。

秋闈分校卽事

澹墨纔分榜，藥香遽持玉尺許。評量敢誇眼，似新磨鏡。尚有魂驚古戰場，珊瑚網慮疎羅一目。經籬欲叩腹三倉。所期瑞集高梧鳳，藉手文章報廟堂。

黑白漫漫局未明，別裁忍負夙心盟。九還可煉誰功到，一筆能勾奈哭聲。腕力袖穿風兩肘，眼花燈眩鼓三更。可憐利市襴衫客，豈識持衡爾許情。連日西風落葉繁，人間渾未識秋痕。勞薪已作溝中斷，戰骨猶留夢裏魂。曉擲靈著勤問兆，夜看雄劍擬酬恩。生平此味曾嘗遍，束筍堆邊手再翻。

仁人之言哉

分校雜咏

宣名

觚稜淑景日初寅

御紙簽名下紫宸，同輩半為揚解客。宣旨無名者皆散去至親翻有



向隅人

校官親族  
例迴避

一時朝服班行肅，隔夜巾箱檢點頻。却笑門前迴避字，主人出後貼偏新。

封門

關鎖中分棘院森，外簾信息總沉沉。官封恰似丸泥固，人望居然入海深。粧閣但聞簷馬響，圍城不遞紙鳶音。由來選佛場高甚，隔斷紅塵路莫尋。

號簿

不論工拙總須開，一例登收待別裁。先後就編魚入貫，妍媸未判鬼投胎。絕無名姓偏書冊，從此雲泥各判堆。恩少怨多何必問，就中幾箇出羣來。

薦條

三寸冰銜鏤刻工，卷端鈐與薦書同。品題未便無雙士，遇合先成得半功。佛海漸登超渡筏，神山猶怕引回風。吹噓送上吾何德，已有人懷感激衷。

藍筆

中書不判五花工，凝碧池頭染翠融。欣賞情同青眼客，別裁權亞黑頭公。主司用  
黑筆澹痕豈向眉添黛，濃抹何須帛勒紅。却笑出藍凡幾輩，異時若箇最葱葱。

落卷

幾陣雲烟過眼輕，案頭堆疊太縱橫。落花退筆全無艷，



食葉春蠶尚有聲。沉命法嚴難自訴。返魂香到或更生。閻投未必皆珠璣。無限人間歎不平。

副卷

去取真看雞肋如。棄之可惜味無餘。我憐桂木旁驂馬。人比登盤半面魚。文彩原輪全豹變。姓名休笑續貂書。側生荔子香雖減。猶勝西風落葉疎。

撥房

中額難均數迥懸。按房哀益主司權。未妨螺贏艱生子。笑比琵琶別過船。梁上燕飛移故壘。擔頭魚去剩空筵。臨分不用增惆悵。三宿浮屠也結緣。撥房後舉子於原薦官仍修門生禮較所撥之房師也

更親也

填榜

堂吏聲高唱拆封。關防加密鎖闈重。掀髯劇喜名流出。防口深愁熟客逢。星斗光連千炬火。魚龍氣動五更鐘。榮觀最是填魁候。六幕文昌景倍濃。填榜單乃補填五魁則萬燭齊輝亦奇觀也

房卷

校官各自有房元。試牘從排似弟昆。十數名分新雁塔。一家人聚小龍門。文如和韻詩連刻。交比同年誼倍敦。師說誰堪傳枕膝。十年詩法要相論。

友人以家難繫獄論罪悼之



一別休文七載更傳來消息劇堪驚兩邊夾食黥奴面  
半夜呼囚獄吏聲事異頡羹銜嫂怨情同冒刃代兄行  
側聞對簿銀鐙日祖德頻號血淚橫

年少清才脫穎如翩翩健筆欲凌虛何堪斷送園扉土  
誰為經營廣柳車三木囊頭猶覓句千金牘背豈成書  
鄉邦英彥今摧折痛絕幽蘭一本鋤

姓名并不齒齊民枉費騎驢踏軟塵襦後儒冠人貯溺  
春來城旦鬼催薪茹刑不借蚺蛇膽推命空餘磨蝎身  
觀過知仁公論在其憐熱血鬱輪囷

遂使斯人罪廢終兼憐生計覆巢空衣糧搜括書驢券  
兒女流離拾馬通逐食真陪卑院乞代行難雇病坊充  
刑餘著述終期汝業在名山尚未窮

散館恭紀

傳聞

天語殿東頭益愧才非第一流已忝班行詞館綴曾邀

名字御屏留去歲京察蒙恩記名文章似惜楊無敵骨相兼憐廣

不侯引見後上語大學士傳公謂臣文自佳而殊少福相寒士從來感知已况蒙

帝鑒更何求

送蔣心餘編修南歸

敏捷詩如馬脫銜才高翻致謗難緘有間之於掌院者故云春歸織錦



新花樣老。疊登場舊舞衫。過眼恩讎收短劍。隨身衣食有長鏡。歸途笑聽橘鳥響。安穩春流一布帆。

經年不晤自情親。冷煖場中兩故人。世謂灌夫能罵座。我援灑吏勸書紳。離筵一別真如雨。浪跡重逢定幾春。

更憶同時二張子。

吟鄰廉船皆因君交於余

近來也復少音塵。

查初白集中有門神詩戲效其體

五彩桃符耀孟陬。司閭常賴職勤修。冠裳豈比關門吏。封爵還疑戶牖侯。棨戟餘威增肅穆。簪纓古制儼貽留。監奴第令休矜寵。別有尊嚴在上頭。

執鉞垂紳將相權。曾傳褒鄂壯凌烟。描來花樣輝三徑。報滿瓜期例一年。人欲登龍先仰望。門雖羅雀肯他遷。

誰家健婦誇持戶。勞績殊難企及肩。

滿陵醉尉氣如雷。汝獨無言冷似灰。日傍獸鑿身不動。夜同魚鑰日常開。衣裳破執丹青補。顏面衰因雨雪摧。

士偶若逢應一笑。依人門戶總堪哀。

夢亡內作

生前心事有餘悲。入夢依然淚暗垂。從我正當貧賤日。與君多半別離時。紙錢豈解營環珮。絮酒難償啖粥糜。一穗寒燈重悵憶。簾前新月似愁眉。

喜吟薊至京



離懷五載渺相思空谷茫然到履綦坐定君先詢近作  
別來吾未有新知遊踪預恐桑三宿君將往山石昔面微添鬢  
幾絲僮僕也知交誼厚厨頭催取具盤匱

九日陶然亭同人小集

孤亭看菊半詞曹車馬無煩出郭勞南浦綠餘人柳老  
西山青出女墻高騷壇盟敢操牛耳毋陣轟如戰虎牢  
地僻向來無古蹟茲遊或可續題糕三四一聯若作亭中楹  
帖一字不可易德麟

哭門人董東亭庶常之訃

一紙書催淚萬行斯人才思擅齊梁并無福可消貧宦  
剩有身歸葬故鄉春夢一場醒富貴秋風何處哭文章  
生平好嘔心成句君素病咯血絲盡枯蠶得不僵

孤露身真落葉如曾憐少賤帶經鋤生無薄產常依婦  
才可名山未著書家在一方鴻爪裏名沉千古貉邱餘  
從知墮地須論命何物憑君覽揆初

同年方牧園謁選入都話舊

少日盟壇共酒樽相思雲樹渺江村離懷豈意聯牀晤  
交誼原從戴笠敦著述關心揚子宅寒暄回首醉翁門  
謂座主注文端師長安冠蓋知多少情好終輸舊弟兄

同年平姚海明府卓薦入都賦贈

滕王閣畔赴官程七載賢勞起政聲南浦雲為才子麗



西江水似長官清。石壕夜靜追符少。燕寢香凝好句成。  
莫道循良無薦達。御屏高處已書名。  
三四天然好句故應傳誦一時德麟

猶憶征車去國年。玉堂回首路迢然。庸知失馬非為福。  
別有飛鳧去作仙。清帶頭冰官鮮卻潤。分掌露縣花妍。

政成果應名都擢。鈴閣何須羨木天。  
時已擢郡丞  
從吳民部寓齋借觀商寶意太守詩集為題長句

寫本纔看脫小胥。攜來光早映聰虛。便當燈下新翻曲。  
尚是人間未見書。才豈患多花釀蜜。熟真生巧冰成渠。

笑余欲乞鄰家火。却似光偷鑿壁餘。  
熟生巧的是寶意詩故  
戲咏火判官 京師人於土元節以泥塑鬼判虛其腹燃火於中為戲

滿街燈燭正喧豨。變相俄驚地獄開。畧似人形泥塑在。  
是何兒戲火攻來。漫疑古佛多毫相。翻恐冥官也劫灰。

不是禁烟寒食候。莫教錯認介之推。  
燄摩天豈汝班行判簿聊。矜點鬼忙人以頭焦。驚上客。

世無竈養作中郎。幾時洗得心如水。何術修成頂放光。  
莫怪劉元搏活脫。熏烟滿面不施粧。  
三四運古入化世間有此爐鍾否保泰

祿籍端資校勘功。故當炙手勢豪雄。共驚氣燄能炎土。  
誰識神靈也熱中。隸以夜叉應面黑。配宜早妓稱顏紅。

只愁黃胖游春罷。碎作飛塵陌上空。  
韓平原事見白賴隨及談藪  
噓吸真疑有式憑。不同土偶坐槽騰。潑寒胡到趨應附。



姑射仙來見或憎似吐老僧三昧火漫騎冷宦一條冰  
平生性不因人熱任爾乘權氣鬱蒸

漫興

紙牕涼逼露華清顧影蕭然感易生漸老鬢毛攪黑白  
積勞筋骨驗陰晴將車送鬼窮難去食字求仙候未成  
手剔寒燈清不寐階前落葉報秋聲

富貴何曾有盡期胡爲行者競如馳日雖夸父身能逐  
山豈愚公力可移絕頂樓臺人倦後滿堂袍笏戲闌時  
與君醒眼從旁看漏盡鐘鳴最可思

君自言是年已動歸心  
蓋非虛語也

有以疎慢見責者書以誌愧

鮑老郎當久取嫌在勞寄語問郎潛壺觴地迥多珠履  
絲竹堂深隔畫簾姪女數錢工索笑乞兒向火競趨炎  
望塵未慣車前拜榜散孤踪敢不恬

有人來自要津邊苦勸途時趣改絃敢以敬容殘客待  
深蒙范叔故人憐芒鞋不稱朱門步羸騎羞隨繡轡鞭  
斑竹簾前窗草綠已看木榻坐將穿

尹望山相公還朝詩以奉賀 四首之二

四十餘年擁節麾黃扉從此藉論思  
帝因髣雪隆耆舊人以膚雲待設施鎮靜中流無險浪  
晴明西日似初曦昔賢到老彌加力驗取黃花晚節詩



五雲高處福星明。占是台階贊太平。朝有白頭增氣象。身將青史論勳名。皂囊封有嘉謀告。畫舫齋還好句成。待取調元仁壽溥。受恩豈獨老門生。

友人以鄴城懷古詩見示。但侈陳魏瓦齊磚。而於

歷代割據建都之跡。殊多掛漏。為補成八首。

霸圖開國古漳濱。銅雀臺高迥入雲。自古英雄多好色。最難子弟總能文。史將正統移歸蜀。身托虛名服事殷。疑塚不教人識別。憑何歌舞望夫君。

別築華林廣鄴臺。破車快犢亦雄哉。鄴中有華林園。自石虎建都始。亂朝土

木輕民命劫運河。山入賊才燃燭萬枝宵。作苦行樓三

級獵場開長安鐘。虞纜移洛又費輪蹄自洛來。慕容偽滅再闕。建號詭

紛紛石冉掃如烟。萬堞名都改屬燕。慕容偽滅再闕。後遷都於此。

憑傳國璽喪師終。恨錮山泉紫宮路。遠雙飛去白首人

歸再造年。故國不忘恢復計。燒亭斬吏又騷然。慕容垂復燕亦於此。

起兵攻苻不爾朱百萬下金戈。一戰功成乞活多。高歡據鄴以六鎮流人破爾朱。天光等兵二十餘萬。

後遷魏孝靜帝都此定霸遂開齊社稷。遷都猶續魏山河。英風馬止

鮮卑語。老淚尊前敕勒歌。死葬漳濱尚臣節。麒麟高塚

鬱嵯峩。

飛來青雀可憐蟲。徒擁虛名在九重。孝靜帝都此。權已歸高氏。自古有亡

毛七寺少



何用活此人又似不相容三拳狗脚親遭侮一乘牛車  
出就封最是六宮同泣別願王玉體壽喬松

早年沉晦避朝權九錫俄膺勸進箋唾手版圖移拓跋  
裸身戎馬定柔然荒淫開國逞身後言語通靈每事前

乃父如龍兄似虎誰知殺灑竟登天齊高洋僭位亦都此以下皆北齊事

骨肉相循自剪屠濟南死又樂陵誅報讐伯有能為厲

好色觀音亦現姝見徐之才傳武衛扣刀娥永樂童謠唱路阿

廢姑涼風堂上如償博千載傷心乞作奴

無愁天子在深宮高末歌先舉國同紫闥謀臣盲宰相

黃襪保母女英雄社稷謂陸令萱有英氣鬪雞賜爵雕籠上聚蠟觀人

浴斛中最是小憐西去後青裙換却翟禕紅氣力沉雄聲情激越雲崧咏古詩實是千古絕作

出郊殘柝尚城闐此路頻經十六春

事往難尋鴻爪跡身閒常怯馬蹄塵

月斜西嶺如歸客柳識東風似故人

勾引鄉心入殘夢惜騰欲到五湖濱

慰蔽園下第君多官燭空修書滿架

子錢欲避方纂修方畧館子錢欲避

耗燥春官又一回誰從爨底識琴材

生花不律行將禿多宿債無臺多宿祇應一卷名山業

消爾生平磊落才



哭亡兒耆瑞

衰宗累世只單傳。寧易生兒似汝賢。不死定知薪克荷。雖貧每慰室如懸。新松作勢空千尺。種樹成陰動十年。此痛自關門戶計。豈徒舐犢愛難捐。

早知不是我家兒。何事曇花現暫時。就塾不辭晨課早。候門常耐夜歸遲。幾曾膝上離文度。枉向人前譽袞師。那得臨風無老淚。聰明已愛講唐詩。

骨相曾無慮折磨。豈知早歲卽沉疴。漫期董奉甦成彥。空對倉舒想華陀。大藥有筒傳世少。庸醫無刃殺人多。可憐眉目清如畫。生把蓑苓毒死他。

明識彭殤可概論。那堪觸目儼生存。幾年捧雉相從跡。數紙塗鴉未沒痕。弱女影孤誰作伴。老親書到尙呼孫。此生縱會觀空法。瞥起前程也斷魂。

淚滿西河痛索居。擬乘薄笨返鄉閭。葬留羸博空題墓。歸到柴桑孰異輿。思子臺邊人渺渺。望鄉亭上夢蘧蘧。更憐生死長安裏。可認江南舊草廬。

竹君述庵菴園來殷耳山璞函小集寓齋卽事

老屋三間聚履綦。到來便擬夜歸遲。地非北郭聯吟處。人似西園雅集時。名飲豈須絲竹肉。清談無過畫書詩。只慚蔬韭誇高宴。未免人嗤措大爲。



蕭寺看花僅幾旬。俄驚裘褐戒霜晨。年光真覺如彈指。  
著述猶難到等身。五鼎食中無我輩。千秋亭外幾癡人。  
祇應轟醉過殘臘。此便消寒第一巡。

男廷英校字

歐北詩鈔七言律二

陽湖 趙翼 雲崧

命出守鎮安歲杪出都便道歸省途次紀

恩感遇之作

官程忽赴粵江濱。除授榮叨

御墨新。臣子敢因貧乞郡

聖明自重職親民。頭銜冰去寒猶在。膚寸雲攜澤要均

借馬杜陵今五馬。微軀何以答

皇仁



一出盧溝跡漸遙。當年從此上雲霄。重來恰是回頭路。欲去還同拗項橋。敢以身微忘戀闕。或憑政最更登朝。露寒鳩鵲曾遊地。回首巢痕故未消。

詞 藹然忠愛情見乎

長安最樂是交知。文酒流連月有期。餽薄百錢堪作主。談深一字或為師。離筵忍打花奴鼓。空谷將賡木客詩。別罷都門車幾兩。他時落月有相思。

平生無一事堪豪。每到垂成易所遭。半世為文憐未就。一行作吏更何操。舊翻殘帙留兒讀。不朽名山讓客高。多少蒼生待康濟。始憐試手乏牛刀。

少日研磨翰墨場。得登詞館敢他望。伐毛去垢曾三洗。

束髮從戎未一當。大考翰林從未得與。見獵敢云心尚喜。善刀聊幸

拙堪藏簪毫莫更誇能事。未必蓬山定見長。

株守頻年想壯遊。從今景物豁吟眸。天教詩境開生面。人少題篇在上頭。風雪滿天塵兩鬢。江山萬里入孤舟。平生曾詡登高賦。可有驚人好句留。

獨傷驥子委京塵。小具黃腸載兩輪。未必有魂聊有魄。却憐歸骨不歸人。靈光可讀增神瘁。羸博仍遷為愛真。痛絕骷髏餘一副。舊曾夜貼老夫身。

路過淮南近故林。輕舟取次渡江潯。順風恰稱還鄉願。落日猶懸望闕心。劇郡劍牛覘吏績。傳家琴鶴本官



國朝詩金  
箴詞臣此擢非常格，忍逐時趨宦海沉。

歌風臺懷古

匹夫成帝十年功，萬乘還鄉宴此中。  
雲起真符天子氣，風來故是大王雄。  
兒童歌舞三侯徧，父老追攀一縣空。  
頗怪生平稱大度，如何宿怨獨銜豐。  
置酒空興猛士嗟，韓彭被殺已如麻。  
負心事竟烹功狗，出手威原斬路蛇。  
百敗河山終造國，千秋魂魄尙思家。  
榮歸翻下英雄淚，此處勝他畫繡誇。

西湖咏古

不負風光勝地多，六橋來正景暄和。  
人間作畫難爲景，是處銷金別有窩。  
綺閣簾櫳紅杏雨，綵船簫鼓綠蘋波。  
山霽笑我家相近，何事今纔載酒過。

割據淡心笑井蛙，金書玉冊累朝加。  
千秋英氣潮頭怒，三月風情陌上花。  
民不罹兵都愛主，國無稱帝易傳家。  
霸庭不肯填湖築，此意今猶父老嗟。

鳳凰山下故宮基，重話南遷駐蹕時。  
宋嫂羹魚空舊感，崔君泥馬已新祠。  
夢華碎錄孤嫠緯，沉陸神州一錯棋。  
不是行都集冠蓋，此湖也只習家池。

桂子荷花色色幽，偏安定後足清遊。  
直教宮亦移長樂，從此湖應號莫愁。  
三竺峯巒非良嶽，兩隄燈火似樊樓。



空餘芳草孤山路老將騎驢感白頭

南園想見昔雕甍黃胖遊春道路驚去國狼胡非帝意

後頭顱萬里行獨惜平分半湖地累人作記損高名

後頭顱萬里行獨惜平分半湖地累人作記損高名

選勝樓臺傍稚川相公富貴又神仙襄城礮已三年打

葛嶺燈猶五夜燃蟋蟀戲收殘局罷蝦蟆更促六宮遷

可憐幾代冬青樹只換漳州一木棉

賈似道拉死木棉卷下

鄱陽湖懷古

濤聲如沸舞迴颺想見當年水戰囂天下英雄窺此舉

興王事業定崇朝楚歌四面烏江敗吳火中流赤壁燒

俯仰湖光已陳迹康郎山下一停橈

袁州城外石橋最雄麗相傳為嚴世蕃所作

長虹百丈倚巖城傑構當年尙寶卿豪富豈難功及物

權奸亦愛死留名磨光石版輪蹄迹流惡江濤日夜聲

却笑世間康濟事也須勢利始能成

飛梁橫鎖急流奔遺惠猶傳濟洎溱黃閣階前跨竈子

青詞燈下捉刀人選材幾費深巖石得地依然要路津

終欠出都騎款段一鞭來此踏霜晨

浮湘



碧天無際水茫茫。泛槳遙臨楚塞長。不比逐臣須禱嶽。從來詞客例浮湘。路經九曲帆頻轉。地為三閭草亦香。懷古高吟到分夜。一聲清瑟數峯蒼。

衡山

扁舟湘水獨沿迴。嶽色青蒼落酒杯。帆轉幾回途尚曲。鴈飛不到我還來。懶殘芋冷餘灰燼。响屧碑荒沒草萊。賸欲登臨支柳栗。嚴程無那榜人催。

耒陽杜工部墓

手擷溪毛薦拾遺。空山客過有餘悲。生無一飽人誰恤。死有千秋鬼豈知。瘦削儀容傳飯顆。飄零魂魄傍湘纍。

三四一聯天問招魂無此沉痛保泰

公名不藉豐碑表。何必真阡認偃師。

歸德峽讀王文成平田州摩崖頌

銘功彷彿紀平淮。手撫蠻酋鳥入懷。江戢怒濤供洗甲。天留絕壁待摩崖。邊籌終倚通儒定。物論空勞異學排。只有名心應未盡。擘窠大字瘦如柴。

行邊卽事

郵郵父老杖爭扶。出謁星軺拜滿途。我到豈能春有腳。渠來自為昔無襦。欲甦剜肉誰先務。果療燃眉敢後圖。疾苦要教當面說。停騶頻與話交衢。安南處處共山場。判界曾無一堵牆。敢恃狂夫驚折柳。



也。愁鄰女。要爭桑。綴旒國已先。分土畫斧河。仍不設防。柔遠銷萌。非細事。頭鬚從此白。巖疆。

田州

傳家來自武襄營。

土司岑氏本狄武襄裨將。從征儂智高分插於此。

分土南陲一片平。

千載尙能長保世。前朝曾此屢勤兵。時清久襲冠裳氣。風靜全消鼓角聲。懷古經過惟坐嘯。籌邊樓上月三更。

蓮花九黃

九層石棧入青雲。名字遙從嶽藕分。赤立太窮山露骨。倒懸不死樹盤筋。天遲開鑿留淳氣。路入陰森鎖瘴氛。只疑此中非世界。誰知雞犬亦相聞。

峭刻是雲巖獨開之境。

崑崙關咏古

醜酒軍門正滿壺。嚴關夜半已潛驅。千秋部曲皆番落。今各土司皆公從征將校之後也。一片山川尙陣圖。何必梁公爲遠祖。不妨季布是黥奴。經過想見英雄氣。古木靈風叫鷓鴣。

前守韋

馱保

緣事罷官羈留鎮郡者兩年。茲得請

還都詩以送別

得歸已自勝懸車。官罷猶羈兩載餘。誰肯迴波甦轍鮒。幾因失火及池魚。余以詳請君回籍幾被劾。離亭欲散孤帆杳。貧宦裝輕落葉如。最是臨分前令尹。肯將利弊爲余書。酒闌重話舊彈蕉。信有威權大吏操。喜怒所爭纔一芋。



愛憎相反豈多桃民猶爭誦廉公袴我敢相矜范叔袍  
會有 詔書搜廢籍新劄且莫善藏刀

奉

命赴滇從軍征緬甸

軍諮榮拜 詔書新萬里猶蒙記小臣政績未能河渡  
虎功名敢想閣圖麟正愁年少髀生肉尙有家傳膽滿  
身邊事頻年紆

廟略微軀忍復嘆勞薪

一紙爰書忤上游風聲早晚勒歸休難甘公府宣明而  
已戴軍門秀實頭効疏幸因軍事免朝衫終仗

國恩留男兒官不遭彈去便合沙場灑血流時方待以奉旨從軍得免

腐儒身未習橫戈薄技惟餘盾鼻磨為政已應書下下  
將兵敢說善多多番頭魚貫長纓繫蠻髻鴉盤細馬馱  
傳語健兒休笑我凱旋時節要錢歌

特磨道中

不信人間有此途特磨絕徼赴軍符萬山圍住天如井  
六月蒸來客在爐到處黃茅啼格磔偶逢綠樹結跣趺  
黠奴頗解哦詩句馬上微吟我僕痛

滇城

千峯行盡見平疇一片炊烟萬瓦浮南紀河山推重鎮



前朝湯沐守通侯。彩雲晴捲黃茅瘴。宿霧寒消碧玉流。獨客經過相識少。驂驪連夕過星郵。

至合江舖已就宿矣。忽京兵來。乃移避於山後。

數間寓舍讓京營。移就山家破草棚。人共馬牛眠一屋。月隨風雨湧三更。也知入市應安堵。自笑從軍轉避兵。信是健兒驍可畏。先令膽落到書生。

題大覺寺

漾。淖。南。來。箐。益。深。萬。松。黑。到。最。高。岑。馬。行。危。磴。蹄。包。鐵。佛。守。荒。菴。面。落。金。怪。石。樓。如。奇。鬼。搏。古。楓。幻。作。老。人。吟。

問途空說天威逕。何處遺踪訪七擒。自大理龍尾關至永平三百餘里。傳是武侯過師地。

郡誌謂之天威逕。

永昌弔徐武功楊升菴

迢。遙。金。齒。瘴。江。濱。辛。苦。前。朝。兩。逐。臣。妓。粉。尚。傳。名。士。氣。將。星。空。負。故。侯。身。奪。門。事。險。功。真。倖。伏。闕。聲。高。議。未。醇。欲。採。芳。蓀。酌。杯。酒。百。年。遺。跡。已。沉。淪。

寄家書

夜涼戎帳露華微。正憶江南木葉飛。一紙寄家言有盡。萬山圍路夢難歸。燈前酒氣催磨劍。月下砧聲感搗衣。還恐倚閭人悵望。擺邊不敢說兵威。

潞江



一鞭曉渡路江涯。瘴霧濛濛似落沙。不老青餘秋後葉。無名紅煞日南花。經年馬背安居地。每夕羶廬托宿家。自笑書生作傖楚。異時歸去有雄誇。

黃陵岡

行盡滇西更向西。路經初闢未成蹊。掛枝下飲猿連臂。藉草潛眠麝養臍。樹古不知秋氣老。山高易覺夕陽低。殊方從古誰曾到。且拂蒼崖作首題。

地在南甸土司外二百餘里。過此則非楚人所居皆

野人寨矣

軍營夜坐

邊屯野宿萬貔貅。令肅無譁月似鉤。犀甲霜寒千帳曉。魚腸夜嘯百蠻秋。關門風靜無南競。戎索星低欲北流。草罷檄書清不寐。一燈危坐數更籌。

白雲菴遇故總兵華珠將赴軍効用

決陣曾傳賈勇登。罷官未去為軍興。戰場尙夢無頭鬼。古寺聊充有髮僧。部曲偏裨多已貴。郵亭醉尉漫相凌。征蠻正選邊才急。會看鷹揚老將騰。

求丁必落鐵巧雲秋詩愈工愈覺沉厚所以獨步一代也

鐵壁關

萬仞危巖似劈開。天留鎖鑰控崔巍。鐵門有限人難越。銅柱無名我亦來。料敵好增籌筆驛。出關先當望鄉臺。



祇應預辦摩崖字，留待征南奏凱回。

猛卯

猛卯江頭渡淺沙，出邊天更渺無涯。譯通楚戶仍輸賧，兵過畚田已種麻。秋入黃茅人避瘴，月寒白骨鬼思家。跼鴛墮水尋常事，浪泊區區豈足誇。

虎踞關

虎踞關高駐旅雄，威聲早震百蠻中。陰雲匝地千山黑，夜火烘天萬竈紅。寶井地遙非斧畫，金沙水闊有航通。佇看鬼哭峯頭石，石爛江枯再勒功。

金沙江外王驥刻石處所謂石爛江古爾乃尋度者也路皆從虎踞關出

駐軍蓋達

騰衝關外土司城，好片川原似掌平。戰後江山無伏莽，熟來禾黍有炊杭。千燈夜閃星河影，萬馬秋騰鼓角聲。豈為防邊勞勁旅，要令狐鼠懾威名。

平戛

茫施東去得平原，豁達天開箭筈門。一水灌田千百畝，半山結屋兩三邨。年豐市有扶頭醉，冬暖人多曝背暄。此是道書真福地，熙恬光景似桃源。

黑山門

都護征南此出關，何期復矢唱刀環。威行鬼哭無聲處，



路過鴉飛不到山。皆通中  
山名毅魄定歸雙闕下，雄名猶震百蠻間。冥濛瘴霧千峯黑，想見靈旗日往還。

勦南坎

詔趣偏師出麓川，將軍傳箭肅中權。一軍皆甲晨聽令，萬馬無聲夜踏邊。白刃寒生霜滿野，雕弧彎應月初弦。歸來獻捷營門外，劍戟枝枝帶血鮮。

自憂鳩勦賊回萬仞關馬上作

小試軍鋒掃憂鳩，凱聲歡動入關秋。白迷楚道雲仍合，紅在蠻天火未收。熱落河烹生鹿血，赫連刀挂死番頭。飛章連夜須馳奏，馬上催書筆不遑。

述菴璞函緣事罷官從軍來滇已至永昌璞函先

有詩見寄次韻奉答

浮蹤共踏日南春，喜到聯牀聽雨人。廢籍搜才身再起，他鄉逢舊誼逾親。泥須函谷關前用，灰是昆明劫後身。儒者立功非異事，國恩深豈慮膏屯。

掃穴犁庭仗武臣，也須憤切夜眠薪。圖麟勲業終當奏，畫虎英雄恐未真。兩陣難拘古兵法，六經只管幾文人。孱羸翻怪書生劍，時發光芒拂斗辰。

春和相公經畧來滇，余以故吏仍直幕府敬呈四

律



宰臣親出擁旌麾。金齒關前運握奇。郭令身原兼將相。潞公名久動華夷。蠶叢開道曾當日。麟閣圖形又一時。早帶洗兵天上雨。日南地總發華滋。

通首高華

分憂自請靖邊陲。萬里郵籤併日馳。拜策仍辭推轂禮。臨軒特賜出車詩。便宜事不從中制。忠益謀能集眾思。相度既來功自速。好磨樂石待韓碑。

屈指兵興一路中。郵亭不斷憂刀弓。頻年

聖主籌良將。多少蒼生望相公。關勢尚傳銅鐵固。

銅壁鐵壁一關

名軍威兼列鶴鷺。雄腐儒篋有雞毛筆。要咏平蠻第一

功。錢充齊觀察在經略幕下讀至多少蒼生句不覺痛哭經略命幕僚皆屬口遂專匾真南青文真孽自心人肌骨也德麟

天南豈意得從行。六載曾隨禁地清。故吏公猶殷待士。書生我本不知兵。汪童敢忘橫戈志。陵母能堅伏劍情。憑仗運籌平蕩早。幕僚也得倖功名。

奉

命回粵途次口占

詔許征人馬首東。呼船曉渡潞江風。到來濫廁參軍職。歸去慚無殺賊功。鞭影仍尋裙草綠。劍光漫傍燭花紅。聖恩自是憐文吏。敢謂籌邊策尚雄。

歸程遙指粵西天。竹馬重煩夾道邊。昔到曾憐懸磬室。再來忍斂拔釘錢。單車按部惟攜鶴。一壆催耕有叱犍。



韜略生平原未讀勉為循吏報

恩偏

留別經略

稍踏邊塵識險夷忍辭苦口語臨岐一江沉鎖公無渡  
千里持糧士有飢上將在謀爭要着南人不反豎降旗  
惟應預擬平蠻頌待取秋風露布馳

精切渾成筆如鐵鑄成伯  
生謂老吏斷獄手也舟

土富州驛舍

六十滇程已徧經荒涼最是此郵亭空廚烟冷炊求火  
破屋椽稀卧見星燐自鬼來浮草碧風疑虎過隔籬腥  
却聞騶卒歡相語明日家山到眼青出州境即  
鎮安治  
回首軍麾正出邊獨慚拄笏謝戈鋌官辭踏白先登隊  
功讓雕青惡少年去日擬為兵死鬼歸來敢說地行仙  
挑燈手錄征途稿聊記吾曾入瘴烟

回鎮安官舍

兩載身隨勁旅屯得歸解舍總  
君恩愧無績可留銅柱敢幸生猶入玉門口不談兵聊  
守默心仍見獵想追奔篋中一卷滇行草彷彿鴻泥指  
爪痕

桂平道中

秋風吹上髯毛斑又數郵籤過急灘遠嶺崑高人似豆



空江水落岸如山。孤吟詩應寒蟬噪。倦旅心隨暮鳥還。  
向晚扁舟泊何處。一燈漁火認前灣。

鎮安土俗

見日常須到巳牌。瘴深侵曉總陰霾。城中屋少惟官廨。  
牆上山多逼郡齋。俗有鬼神蠶放蠱。夜無盜賊虎巡街。  
所欣民意安吾拙。相愛渾如鳥入懷。

夜坐

判罷文書覓句工。結趺枯坐曲欄東。池荷十裂秋將老。  
堂鼓三嚴夜正中。警鶴避寒依樹密。明蟾愛浴映波空。  
小胥見慣官齋燭。笑我孤燈一穗紅。

聞經略出師。老官屯水陸攻圍。緬人乞降。班師奏

凱詩以誌喜

四首之二

遙識權聲湧似濤。入關戰士解征袍。放歸逐北嘶風馬。  
洗罷征南帶血刀。絕徼遠來勞面誓。廣場大饗裹瘡勞。  
受降如此方威克。招致何曾一着高。  
前歲有以招降之說進者。上力斥其非。決計用兵。  
簪毫幕府忝從戎。別去方聞息戰攻。劇喜世堪長偃武。  
敢嫌身不與成功。鐵橋波靜蠻江白。銅鼓春喧社火紅。  
所惜摩崖吾未及。筆端空負氣如虹。

哭果毅阿公病歿於軍

曾從絕域立功回。五百驍兵萬賊摧。  
回部之役。公以五百兵敗賊萬衆。使相旌



旗開幕府止公劍履畫雲臺攻心微外勲垂就距受降僅數日耳

曳足軍中志可哀太息金沙江畔路將星寒落浪花堆

會忝軍諮畫策長血痕親見裹金瘡可憐病到三遺矢

猶自身衝百戰場門望高還傳帶礪國恩深為紀旂

常獨悲丹旄還都日故吏無由奠一觴

貴縣途次奉

旨調守廣州寄別鎮安士民四首之三

到任三年五出疆在官曾未一年長余抵鎮安以事赴省凡四次又從軍滇中兩閱歲

地偏恰似仇池穴俗厚難忘畏壘鄉本擬成團看老柳

愧無遺蔭托甘棠最憐途次聞

新命不及公堂飲餞觴

鎮安雖僻自堪豪最喜蕭閒似馬曹片檄下時諸部肅

萬山深處一官高草亭置酒留賓醉花閣抄詩課吏勞

此福難消應準折從今判牘夜焚膏

花田

即素馨斜南漢葬宮人處多素馨花今為遊宴地

十里芳林傍水涯當年曾是玉鈞斜美人死後為香草

醉守來時正好花滿地種珠誇老圃千筐帶露入豪家

蚤娘頭上微風過勾盡遊人是髻鴉

登浴日亭

禮罷神祠肅炳蕭振衣千仞躡岩堊雞聲欲白三更日



國朝詩金  
漁火猶紅。半夜潮化羽。何當仙島戲。採芝未覺祖洲遙。  
登臨又起滄波興。歸路虛舟轉沈寥。

崖山

日落蒼山海氣昏。曾傳殘宋水師屯。六更漫續庚申帝。  
一旅難支甲子門。身入膠舟無返駕。膽焚鐵斗有忠魂。  
可憐不及章安鎮。猶保東南半壁存。  
章安鎮在明州宋高宗航海泊舟處見東巡紀

慈元殿

宋楊太后同帝昇居此

中土無家寄海隅。數椽椒寢莽榛蕪。蹤漫擬陽人聚。  
秦遷周後於陽人聚塊肉曾攜趙氏孤。臣妾僉名羞作表。公卿負扆  
儼成圖。最憐涕泣臨危語。何減唐宮麥飯呼。

永福陵

宋端宗葬處

白楊衰草黯孤墳。猶號前朝舊寢園。窮海運移朱鳥喙。  
空山人拜杜鵑魂。曾無翁仲環陵闕。幸免僧伽掘隧門。  
想見倉皇營渴葬。冬青也復少移根。

虎門望海

目力將窮境更賒。望洋今日得雄誇。信知地外皆爲水。  
應到天邊始是涯。蛟蜃嘘還成幻市。神仙過或馭飛車。  
蒼茫何處蓬壺路。我欲揚帆採石華。

劉王郊基

衰草寒蕪一片秋。猶傳粵漢舊郊邱。閨餘天豈分南顧。



運去星皆向北流。燿火無靈光久滅。瘞圭何處氣全收。  
祇聞身作降王長。陪祀班高在汴州。

太保傅文忠公挽詞

柱石身尊鎮廟堂。驚傳紫府下迎將。問牛相業三台地。  
汗馬勲名兩戰場。公以平金川入相。征緬甸歸告終。推轂任隆增白髮。飾中

恩厚賜黃腸。應知此痛關朝野。不獨私情我暗傷。

廿年宰相黑頭公。一德堂廉

帝眷隆。劍履雲臺身入壽。河山鐵券策論功。勲親人地

關休戚恩禮。

君臣見始終。從此日斜温室樹。更無公在宣召到廷中。時

召對

身任戎行釋。

主憂驂驪倍道赴。星郵濛濛零雨泥。方滑跼跼飛鳶瘴

未收葛相征蠻勤。五月豫州伐敵擊。中流憶曾勸改金

江。柁揚斷炎風。渡憂鳩。

地望尊崇總百臺。敢期寒峻受栽培。我無私謁偏投契。

公不談文乃愛才。去定仙官班上列。生原佛地位中來。

敬容今日餘殘客。檣散憑何倚不材。

感恩知已俯仰低徊情。味耐人百讀德麟。

擢授貴西兵備道紀

恩述懷



珠江典郡一年多。又指郵程大渡河。官職漸高唐觀察。山川新訪漢牂牁。長途但擬單車赴。遺愛慚無五袴歌。在遠尙蒙

親簡擢。微軀何以答。

恩波。

擢官何事乞歸田。別有離懷黯自牽。天上除書

恩主眷。風前殘燭老親年。白雲飛處憐孤影。黃紙宣來

是特遷。直恐

君親成兩負。一燈危坐轉悠然。

以黔路遼遠老親不能偕行乞制府李公代奏終養公以余新擢官

止

萬里黔陽信壯遊。江山楚蜀綰襟喉。好從巴峽通巫峽。

何用連州易。橋州稼燭治書重。幕夜星符馳檄百蠻秋。

書生此福慚非分。準折惟應惠績留。

為人述菴璞函從軍入川。余至威寧得一握手。別後却

寄

故人得見未嫌遲。萬里相違本不期。官罷杜陵猶作客。

才高文舉直呼兒。來經鐵索滇橋路。去酌鄆筒蜀酒卮。

玉帳術中需贊畫。相看猶未髻成絲。

膺膊霜雞午夜荒。燈前一握又他鄉。那堪好友頻岐路。

不分書生老戰場。國險魚鳧稀日影。陣懸蛇鳥入秋光。



期君早上平戎策，旦晚還朝卸客裝。

送王協和總戎進勦金川

喬松落落見長身，髯也英雄果絕倫。拔戟自當軍一隊，橫矛能退敵千人。勦名到日成功速，文武同年別誼真。

君鄉榜與余同庚午

君至邛關相憶處，捷音好屢寄郵塵。

晤同年孫補山學使話舊

故人重見髯添皓，追話兵塵感慨多。絕徼秋聲諸葛鼓，戰場夕照魯陽戈。衝車力盡猶攻壘，擊楫心雄竟渡河。

同是征南戎幕客，那禁思舊淚滂沱。

余與補山同在經略幕下補山則隨渡憂鳩者也

堂前初見捧盤匱，得就西階樂可知。

君方娶兒婦却憶少年登

第日也，成新婦作婆時。光陰過客雙丸速，婚嫁牽人五

嶽遲。剪韭寒窗話疇昔，一尊同感髯如絲。

聞故將軍阿公授四川提督却寄於華風如日黃

故侯威望肅霜寒。

恩命重聞錫帶鞶，至竟登壇須大將。莫嫌專閫尚粗官。

馬蹄裹鐵盤危磴，牛革縫船渡急湍。計日掃犁馳露布。

更看勦爵冠朝端。

征南幕府半凋零。

經略傅公將軍果毅阿公皆下世

碩果天留一將星，百戰

勦名身未老，五丁開鑿路重經。

前次平金川時公曾在戎幕

功成飲馬仇

池穴事定磨崖劍，閣銘蜀獫狁疆鄰近在捷音早晚得。



先聽

都勻道中

灌木成邨棘作籬，兩三茅舍倚巖支。汲流但截修篁節，蓋屋全編老樹皮。架木橋欹驢不進，伐薪人出犬相隨。分明一幅山家畫，可惜荆關未得知。

一幅趙千里關山小景

海龍岡

播州楊應龍自焚處四面陡絕止有平地可屯數千人兼有井汲之不竭真天險也

四圍嶄絕陡無門，上有寬平可駐軍。扼險欲過唐夾寨，攻堅幾費李摩雲。國餘暮氣兵猶勁，地欲華風賊自焚。平播後即改流今遵義府也五百年來淪異域，一朝摧廓亦奇勲。

咏史

曾鞭學士段文操，刮日多承賞鑒高。抵鵲不聞輕用玉，割雞也要辨何刀。詞頭天上宣麻貴，盾鼻軍中草檄豪。今日江郎一枝筆，供他肉眼去吹毛。

即景

慚愧車前尚八騶，略無可稱俸錢優。半間屋小聊名舫，六月山深早着裘。才思漸如強弩末，歸心已折大刀頭。閒來細數經年事，何一堪為惠績留。

哈敬齋總戎自滇入蜀路過威寧話舊

回首滇雲絕塞長，建牙威望讐遐荒。將門世佩三邊印，蠻徼身經百戰場。孟獲曾來申誓乞，吐番未敢劫盟強。



老官屯之役細人乞和公以單騎蒞其軍

天南歷歷成勞在，驗取秋風兩鬢蒼。

夜宿平山哨

行盡千峯路未窮，晚投埃館一燈紅。秋生風露寒諸嶺，人共星河在半空。夢可還家防易醒，詩能送老苦難工。聽他童僕垂頭睡，獨對寥天月似弓。

碧雲觀

纖塵曾不到仙壇，曲磴摩雲八九盤。客到自嫌烟火氣，山高常接斗星寒。井華曉碧僮澆藥，爐燄宵紅鬼瞰丹。勝地緣慳纔一宿，征塵明日又漫漫。

幽澹中出警竒大奇

壬辰冬仲以廣州讞獄舊事吏議左遷特蒙

溫旨送部引見

聖恩高厚蓋猶不忍廢棄而衰親年已七十有五書來望子甚殷諭令早歸一慰倚闕望因呈乞開府

恩述懷得詩十首 選六

一重公案律條訛，鶴秩非關吏議苛。迂拙自慚更事少，聖明猶慮棄才多。恰從順水乘歸櫂，擬乞閒身着釣蓑。不是敢辜

恩命重高堂衰鬢已全皤

多謝諸公苦挽行，圖公堅欲奏留補山約軒笠民諸公亦多敦勸實無才可濟蒼生勤。



將政補猶形拙清愛人知己近名坎坎伐檀歸客思依  
依折柳故人情翻教不忍輕言別嘗酒更番為治觥  
衙齋無事可消磨一載閒情付咏歌老去賀公吳語慣  
病來莊鳥越吟多滄江秋晚衣裁荔空谷天寒屋補蘿  
不覺詩成真作識篇篇都是憶巖阿

官罷

君恩忍遂忘尚餘秃管寫枯腸好編頽上歸田錄敢效  
忠州集古方舊學還期傳黨塾新詩閒與咏羲皇生平  
報國堪憑處終覺文章技稍長

數日纔經畢節城退問何用急裝行八騶已少車前列  
五馬猶煩道左迎按部聲名歸物論去官風味見人情  
山楓知我無旌旆也染新紅綴驛程安順守戴君遵義守于君俱在畢節送別

頻歲思歸計尚懸及歸敢便傲林泉板輿潘岳閒居賦  
茶竈天隨甫里船為母寫經祈上壽隨人賽社報豐年  
譜成華黍南陔什或入熙朝二雅篇

張三丰禮斗亭

在平越高真觀後有古桂一株大數抱

高真古觀鬱葱龍猶說仙翁斗檢封遺跡已無華表鶴  
借名曾訪鼎湖龍胡澹訪張邈邈實訪建文君也山深時或飄丹粟人老惟

思伴赤松我已退閒期學道前途倘許一相逢

施秉縣

即偏橋舊為偏沅巡撫所駐地



數家邑小雉樓崇。舊設中丞幕府雄。衝要尚供郵騎飯。承平久靖戍旗風。石多山骨出皮外。洞矮水頭鑽胯中。

上游諸水至此由諸葛洞出鎮遠江

劇喜陸程今日盡。扁舟行泛碧波空。

奇絕警絕舟

辰州弔諸桐嶼

腸斷辰陽放棹行。故人曾此擁專城。我來東道誰為主。君在西清最有聲。傲骨竟成招謗具。高才未就必傳名。沅江水駛流如箭。何限人間歎逝情。

朗州除夕和馬沅亭秀才韻

除夕連更六異鄉。今朝遊跡又瀟湘。一官恰似殘年盡。舉世猶爭此日忙。老去敢辭杯最後。春來漸喜線添長。素心閒與江干步。早有寒梅破臘芳。

只題岳陽樓笑譚天吳紫鳳圖

水落湖光似鏡平。倦遊人過岳陽城。愧無憂樂關斯世。擬學神仙了此生。壯氣漫吞雲夢澤。微才敢附杜陵名。湘靈鼓瑟何心聽。或許相逢老樹精。

晚泊

洞庭波淼落帆輕。小泊亭臯候月明。遠火晚迴龍伯駕。荒蘆寒打鴈奴更。閒依燈影吟情永。未息濤聲旅夢驚。已字山形之字水。擁衾先自算歸程。



赤壁

依然形勝扼荆襄。赤壁山前故壘長。烏鵲南飛無魏地。大江東去有周郎。千秋人物三分國。一片山河百戰場。今日經過已陳迹。月明漁父唱滄浪。

此題絕唱故

遣興

雲濕江天鴈影孤。春風爲我送歸途。四宜休敢稱高士。七不堪難起懶夫。積歲刻成新楮葉。過時身比舊桃符。只慚招得旁人笑。顛倒天吳紫鳳圖。

采石太白樓和韻

表裏山河地必爭。儒冠曾此守孤城。嶺雲尙吐登陴氣。江浪如聞戰鼓聲。世亂揭竿成巨寇。時危橫草出書生。可憐橐橐降臣履。千載應慚守廟情。

江行

帆影依依帶落暉。江平如鏡浪痕微。舟憑野鷺爲前導。人與春鴻共北歸。才薄敢期宣室召。心閒早息漢陰機。居然已似漁翁長。只未身披獨速衣。

采石太白樓和韻

沉香亭下脫鞵行。此地曾傳泛月明。白浪一江銷醉骨。青山萬古屹詩名。錦袍當日人爭看。金粟何年世再生。百尺高樓俯空澗。爲君長寫氣崢嶸。



金川門懷古

前史曾傳靖難兵，麾戈從此破神京。削藩禍起書生計，負展圖慚叔父名。一領袈裟宵出竇，九江統綺曉翻城。興師若不論成敗，高煦宸濠豈異情。

千屯火照雉樓紅，想見當年勢內訌。折矢不臣黃鶴子，

昌黎詩魯連黃鶴子打鐘竟帝白鳧翁。北齊武成事見北史從亡芒屨千山險，駢

戮歐刀十族空。養士甫經三十載，何因義烈滿寰中。

使事精切難得如此工整保泰

江干晚步

長隄曲曲繞平沙，徐步聊當下澤車。枯樹萬鴉棲似葉，荒蘆羣雁宿為家。寒連殘臘遲春色，晴卜明朝為暮霞。小憩偶然清興愜，江邊風浪正無涯。趙翼雲崧

歸田即事

柴扉近俯綠楊灣，回首風塵此倦還。初廷偉校字白髮，宦途盡處是青山。暑門客散無投刺，退院僧高自掩關。只有夢魂難惹處，

君恩猶未削朝班。千古名句

脉柵雞棲一畝宮，呼來兒女脫青紅。憐他未慣蓬茅宅，天我原來田舍翁。塵尾可揮非祖物，菜根須咬趁童蒙。短檠燈火長檠柄，閒與諸雛話舊風。



限 或 對 字

小。感。酬。然。謂。興。洲。山。發。風。氣。五。無。紙。

蕭。薰。翠。佩。涼。風。卷。寒。雲。散。飄。飄。散。春。色。似。十。四。傳。食。暮。雲。

甌北詩鈔七言律三

陽湖 趙翼 雲崧

歸田卽事

柴扉近俯綠楊灣，回首風塵此倦還。  
老境逼來將白髮，宦途盡處是青山。  
署門客散無投刺，退院僧高自掩關。  
只有夢魂難惹處，君恩猶未削朝班。

千古名句

豚。柵。雞。棲。一。畝。宮。呼。來。兒。女。脫。青。紅。憐。他。未。慣。蓬。茅。宅。  
笑。我。原。來。田。舍。翁。塵。尾。可。揮。非。祖。物。菜。根。須。咬。趁。童。蒙。  
短。檠。燈。火。長。鑿。柄。閒。與。諸。雛。話。舊。風。

甌北詩鈔

七言律三



少日曾貪面百城而今萬卷送浮生一身去職如花落  
兩眼觀書向月明鴻爪春泥思往跡馬蹄秋水得閒情  
天留老筆非無用要與熙朝寫太平  
新葺茅廬在水南擬栽修竹翠粼粼持齋怕入遠公社  
習靜便同彌勒龕詩就多兼唐小說客來與作晉清談  
所懶懶廢無才思輸與山陰老學庵

天平山范文正公祠

森森萬笏石參天丙舍千秋傍祖阡遺像何嫌窮塞主  
崇祠猶祭義莊田柏如葛相堂葱鬱路與蘄王墓接連  
不獨子孫來下拜遊人誰不瓣香燃

端笏垂紳河岳姿名賢氣象儼留貽甲兵胸捍三秦警  
虀粥腸思四海飢植黨浮言當日論活人素志至今知  
多慚我已忘憂樂敢漫高談濟世期

韓蘄王墓

麒麟高塚占雲墟異姓真王百戰餘勲業未來先卧虎  
英雄老去亦騎驢葬應秘器蒙分賜績尚豐碑表特書  
宋待功臣原不薄棲霞何事獨誅鋤

謂岳忠武

館娃宮

湖光山色一憑欄想見朝朝暮暮歡此地春常留屨響  
有人夜正卧薪寒唾成珠玉香猶濕舞破山河髻未殘



恩受吳宮功在越。可憐啼笑兩俱難。

過史翼宸明經故居

少年此地一經橫。賓主流連最有情。老再來時惟後輩。舊會遊處似前生。山邱華屋徒增感。書畫青門尚繼聲。也比西州門外路。經過不覺淚如傾。

哭璞函之訃

幕府曾推借箸長。驚傳復矢蜀山蒼。纔欣薄宦遷華省。

復官後以積勞

恩擢部曹

何意書生死戰場。劍閣更誰文勒石。玉門祇

有夢還鄉。可憐前夜相思處。猶擬他年話對牀。

磨盾滇南墨未乾。岷峨西上又千盤。空懸望眼長安近。

欲返遺骸蜀道難。灑血隻身衝矢石。招魂萬里葬衣冠。

傷心馬革都無分。留與烏鳶啄肉殘。

烏撒賊邊惜別晨。鄰疆頻喜接音塵。偶翻書札猶前日。

忽憶鬚眉已古人。迢遞何年尋宿草。馳驅到死作勞薪。

遊魂血污空山裏。知化猿身化鶴身。

痛絕 德麟

寄顧北墅

射雉城東別業偏。一編晏坐正超然。門高處士談經座。

家有先人負郭田。載酒生徒揚子宅。焚香書畫米家船。

從知水繪園荒後。又續名流韻事傳。

哭座主觀總憲補亭先生 三首之一



總持風雅量兼收。河海由來納衆流。道廣幾爲陳寔累。名高爭御李膺游。情於說士甘如肉。身爲推賢讓出頭。此後孤寒更誰恃。秋風多少客無裘。

東黃月山文學

里社交知半在亡。歸然獨見魯靈光。詩文確有先民法。游射能言大父行。老眼燈昏猶作字。飢腸廚冷欲休糧。晨星吾敢輕前輩。莫惜頻煩過草堂。

莊似撰在詩投贈依韻奉答

浪跡真如未泊舟。那能高卧北窗幽。嫁衣待字知何日。團扇承恩及未秋。空負翺翔千仞志。漸收汗漫九垓游。衙官屈宋終非據。君或空言我已愁。

彭芸楣閣學留飲澄江使院卽席奉呈

使院重來掛講堂。依然古桂鬱蒼蒼。少曾選佛初禪地。老覺驚心舊戰場。余於乙丑試此補諸生至今幾三十年矣退筆無花開藝苑。絳蕭

有屋傍漁莊。夔龍事業諸公在。剩許江湖放我狂。

和友人落花詩

綺窗一枕小游仙。腸斷穠華過去緣。薄命生招風雨妬。多情枉受蝶蜂憐。更無一語歸何處。再欲相逢動隔年。綠已成陰芳早歇。鬢絲愁絕杜樊川。

開太艱難落太輕。一番來去不分明。經年空累僮澆甕。



昨夜纔邀客。治觥柳線難。將離跡。綰榆錢。似為辦裝成。最憐解脫塵緣後。尚作拖泥帶水行。

羯鼓催開日未西。黃陵廟已鷓鴣啼。尚餘舊蒂成雞肋。為有殘香襯馬蹄。逐客天涯憐白也。美人帳下泣虞兮。

縱教數灘流。還見欲問桃源路。總迷芳園。蕭索似經秋。滿地殘紅。觸不收。過客也。驚停屐齒。小鬟猶誤覓。枝頭。描來粉絹。空神似。解到金鈴。只淚流。

飄落不知何處去。又因藩溷替他愁。爭妍解語。悵難分。目斷長天日暮雲。啼到子規剛別我。夢為胡蝶也。尋君。元都桃憶前回看。玉笛梅傷五月間。為有去時痕迹在。呼童且莫掃苔紋。

新絕

漫興  
俯仰會無俗累牽。始知身是一頭仙。村如老杜東西瀼。書有蒙莊內外篇。門任婦持。使我懶。詩無人解。向兒傳。三杯醺後。渾何事。閒逐鄰翁。掠社錢。

漫興

淳朴鄉風少禮文。瓦盆春酒有餘芬。雞豚聲亂籬仍別。榆柳陰連界不分。看戲人歸。談古事。負暄叟。坐述前聞。眼前便是華胥境。何處還堪着俗氛。塵心瞥起一漚如。繡佛燈前自懺除。詩不與人爭險韻。字常倚老作行書。蟲虻永叔秋聲冷。蝶去莊生曉夢蘧。



回數生平勞碌處，楞嚴讀罷但軒渠。  
豪宕猶存少日心，不知老態已相侵。  
觀書眼漸訛三豕，導氣身將學五禽。  
每養文魚圓似卵，盆栽小竹瘦於針。  
當時笑是衰遲事，誰識親從此境尋。

為人作墓誌後戲題

屏跡渾如避債臺，尙嫌酬應拒還來。  
碑無裴相酬縑數，書豈文同要鞵材。  
老去恥供諛墓作，賤時多愧嫁衣裁。  
祇應結習耽文字，官罷仍爲老秀才。

卽事

發帑頻聞至再三，歲功雖歉國恩覃。  
賑多錢可青黃接，俗厚丸無赤白探。  
幾見宵人驚吠犬，早聞春女喚分蠶。  
飢羸終免流亾去，始信朝家德澤涵。

東門人費芸浦舊爲吾郡守，余自黔歸君已丁外艱。  
將去僅一握手而別，今赴京補官，枉道過訪，留連信宿，詩以贈行。

出處殊途酒一尊，直廬重感舊巢痕。  
余與君先後入直軍機久衰親

髻宜歸里未報

君恩望及門，五袴已聞歌。  
父老一莊敢便托，兒孫京華故友如相問，歌咏昇平補素殮。

五十初度



里居荏苒四經春，忽作平頭五十人。去日已多行歎老，罷官未久敢言貧。味餘書卷消磨慣，

恩在朝衫檢點頻。却愧半生辛苦力，祇供成就一間身。朋酒茅簷話雨晴，朝衫脫後一蒼生。漫勞海內誇高尚，要向田間味太平。犬足有羗忘夜吠，牛胡無喘健春耕。老農見慣渾閒事，誰識都從帝力成。

束髮攻書志決科，奔馳榮利為華珂。不曾白髮歸雖早，無補蒼生愧已多。唱第五雲籠藻榜，從軍千騎擁瑤戈。而今總作浮漚看，付與人間春夢婆。

閒翻青史覽窮塵，歷歷前聞觸緒頻。一代文章誰作者，

古來出處幾完人。雕蟲祇與蟬供飽，畫虎多為狗寫真。

不覺又增身世感，摩挲髀肉暗傷神。

除却親闈侍藥醫，更餘何事足縈思。輸官租稅完常早，

祭社牲牢宰不私。妻妾無爭兒互乳，弟兄垂老爨同炊。

家風豈敢誇顏柳，或可垂為子姓規。

學佛求仙枉費功，年來漸覺總成空。歐陽但有詩三上，

徐邈時於酒一中。材不材間身可老，味無味處句難工。

海山兜率俱安在，只合頭銜號長翁。

去聲

自郡城歸



國才詩金  
一葉扁舟映曉霞，柴門將近落帆斜。人疑舊雨來尋友，我與春風共到家。篷背白餘殘雪片，船頭紅載小梅花。上元節物惟燈事，略與高堂賞歲華。

題袁子才小倉山房集

其人與筆兩風流，紅粉青山伴白頭。作宦不曾逾十載，及身早自定千秋。羣兒漫撼虬蟬樹，此老能翻鸚鵡洲。相對不禁慚飯顆，杜陵詩句只牢愁。舒卷閒雲在絳霄，平生出處亦超超。曾遊瀛苑空三島，愛住金陵爲六朝。富貴豈如名有味，聰明也要福能消。災梨禍棗知何限，此集人間獨不祧。

寄芷堂二首

纔傳閩嶠妙持衡，又轉蜺旌指涓城。視草久高唐內制，論文恰到漢西京。禁中才子微之句，年少仙人子晉笙。如此清華誰不羨，通門亦覺有餘榮。

一編清課出冰廳

君以所刻館課見貽

早擅千秋著作庭，絕艷不須

施粉白，高才真覺出藍青。搜羅遺逸窮三篋，鼓吹休明本六經。笑我已無詞館職，賞奇還剔短檠熒。

小倉山房集中有咏物詩戲用其韻

九首之四

鏡

點膽圓光妙寫神，江心鑄就淨無塵。誰從對面偷描我，



忽漫分身作化人。藏醜一毫難作假。效顰雙黛最傳真。  
只因老怕看華髮。不許移來菜几陳。

簾

掛起湘筠蕩日光。銀鈎不捲靜縈香。玲瓏霧縠三千縷。  
隱約金釵十二行。映沼斜梳波影皺。當窻橫織雨絲長。  
夏侯堂上尤增貴。省得歌姬錦繡粧。

一穗銀釭小作聲。空堂無喜也相驚。爲人嘗盡寒窻味。  
有女曾分夜績明。舞字伶工千隊整。修書學士兩條清。  
老來忍便拋牆角。炳燭餘光尙有情。

杖

蹇劣平生愧逐羣。一枝籐助草鞋勤。青山獨往誰同伴。  
白首相依剩此君。住與書又閒倚壁。行隨蠟屐緩拖雲。  
居然勃窣翁稱健。踏葉歸來日未曛。

諸作與原倡可稱勁敵保泰

哭徐肇瑣

晚晚相依各二毛。何期遽隔酒爐遙。一腔執肯逢人灑。  
兩耳聾常怕客嘲。野鶩書成名自負。河魚腹痛疾難消。

君以腹疾卒

那禁腸斷雲溪渡。步履曾過話寂寥。

卧病仍聞志未灰。料量門戶剪蒿萊。埋文預乞傳人筆。  
昔酒猶溫宴客杯。

今春曾囑余作生誌臨歿前四日猶饒客

白鶴化憐君不返。青蠅



甲與我回來。從今舊雨存還幾。老淚濡毫賦八哀。

戊戌春日

北堂夢杳痛難追。春露驚心又一悲。從此遂無為子日。初心長負去官時。絳趺忍讀循陔句。墨食猶遲負土期。苦塊餘生感中夜。凄風颯颯總帷披。

編校文端師集感賦

悵別音容二十年。今朝重幸讀遺編。感深難忘三條燭。才大會推萬斛泉。我欲往從瞻在後。人思得視快爭先。寒燈攤卷閒相對。還似摳衣絳帳前。

文章臺閣李東陽。獨扛健筆探孤詣。不立專門攬眾長。藝苑他年論古學。醉翁門是一津梁。

忍辭校勘夜窻幽。神理須從象外求。與可畫先胸有竹。庖丁解在目無牛。名將後輩添描畫。味要門生議去留。他日九原相見處。此心或可證千秋。

肇璜歿後其子以君手植杜鵑一本見貽感賦

一枝躑躅贈留遺。老瓦盆經手澤滋。曾記賞花徵勝友。忽如開閣散歌姬。到應推愛同烏鳥。名易傷心比子規。贏得故人思舊淚。與他一色染胭脂。

寄使相欽齋李公 三首之一



廿年嶺嶠浹恩膏。又見滇南駐節旄。將相官兼韓魏國。  
華夷地控蜀章華。鐵橋有路蠻輪賚。銅鼓無聲盜賣刀。  
半壁西南資坐鎮。紀功應勒點蒼高。

舟泊京口王夢樓前輩邀遊北固山蒜山諸勝置

酒江閣流連竟日卽席有作

握別京華十五年。故鄉重喜履綦聯。人曾泛海隨星使。  
家住臨江作水仙。老境風流猶顧曲。儒門淡泊忽逃禪。  
故應海岳庵邊路。不可無人繼米顛。  
滇嶠歸來鬻未秋。萬籤高擁一窓幽。詩名尙愛稱才子。  
官位幾忘是故侯。碧海鯨魚傳麗作。楊枝駱馬遣閒愁。

羨君天與無花眼。燈下蠅頭寫更遒。

孤亭俯瞰大江濱。箕踞狂談岸幘巾。此樂動論千百載。  
素心豈易兩三人。筇輿度嶺遊終日。蒲酒移尊勸幾巡。  
又破先生杖頭物。蘆倚小閣荷留賓。

德定圓漕帥移節撫閩道。過常州相見話舊賦。呈  
衙鼓趨塵憶往年。斯文臭味荷深憐。狂容傲吏頻揮麈。  
貧識儒官不愛錢。青史勲名公作督。白頭著述我歸田。  
雲泥無分隨班祝。剩托心香到海天。

贈莊似撰

凌雲賦筆最翩翩。忽輟屠牛試小鮮。傀儡身閒催戲鼓。



琵琶人老到商船折腰宦味從今日回首名場失少年  
何物人間向平累為他婚嫁誤神仙

千古同嘆舟

秋帆中丞聞余銜恤之信遠致厚賻詩以誌感  
匪我誰唁聖廬幽忽拜朱提過五流孤子餘生桐削杖  
故人高誼麥連舟到逢涸轍真甦鮒來自廉泉可飲牛  
誰肯官高還念舊此情須向古人求

題幀難稱嶽嶙峋華袞偏叨剪拂新舊題公陟華圖過蒙獎許老尙雕  
蟲良可愧窘方祭獮已嫌貧一編若論千秋業四海無  
過十數人笑我此中何處着枉同食蓼味含辛

答友

一縷心香息衆囂已甘門徑掩蓬蒿書難盡信常疑孟  
詩偶無題且和陶白日百年浮世短名山一代幾人高  
尙憐捉鼻清吟處見笑人間湖海豪

名句

刊刻汪文端師集既就兒輩勸以拙集付梓勉狗  
其請書以誌愧

師資幸托棗梨酬愧以蕪詞續選樓閒惜半生心力瘁  
老思一卷姓名留先生在日曾青眼弟子如今也白頭  
太息斲輪人已去乞誰刊定夜窻幽

其從詩句判升沉鳳翹朝陽鶴和陰公有文章兼事業  
我無鐘鼎竟山林敢追漢殿凌雲賦聊附康衢擊壤吟



重向燈前展師集始知 盛世有元音

纔識甘辛鬢早殘。竿頭欲進步蘭單。千秋如許談何易。一字求安已大難。未免惜他雞肋棄。知誰留此豹皮看。只餘結習難消處。或作微漚點海瀾。

甘苦自喻故

服闋後親友多勸赴官作詩誌意

祥琴纔罷忍彈冠。多少鑼聲促上竿。垂老畫成名士餅。旁觀欲敗煉師丹。敢憑野笠驕文繡。恐食官倉又素餐。祇掌孤熊自知分。不關貪坐釣魚灘。此身敢便托高雲。實以迂疎怯組纒。苦筍味堪差致仕。甘蕉生怕受彈文。我需於世原無幾。客望斯人恐太殷。多少田間身再出。聲名往往損清芬。

浙遊口占

七年不出邑東門。忽買扁舟去故園。南浦一篙新漲水。東風三月落花村。懶常閉戶將終老。貧則求人稍貶尊。落魄江湖重載酒。倦游情緒總難論。

舟過無錫晤顧晴沙觀察適同年陸朗甫方伯乞

養歸亦以是日至遂同游惠山

千里關心出處身。停雲遠望每勞神。十年但作相思字。一日欣逢兩故人。近狀共驚新白髮。舊遊重話軟紅塵。歸田同此循陔願。歎我今偏不逮親。



素節相期玉不瑕，看他宦海競時華。幾人叔度曾歌袴，

佳士君謨亦製茶。一部河渠胸有竹，朗甫以所著運河考見貽百家詩

格眼無花，晴沙善論詩品泉亭下相攜坐。此味何如早晚衙。

到杭州寓門人沈南雷儀部宅卻贈

浙水分攜十四春，重來相見倍情親。西湖要我為遊客，

東道因君有主人。掃榻為安行李穩，典衣催治酒肴珍。

及門著錄知多少，誰似彭宣誼最真。

清風廉使舊留貽，謂尊人椒園按察蘭綺家聲似昔時。投刺到門無

俗客，讀書滿屋有佳兒。手栽桃李皆時彥，事畢松楸近

選期，君履膺此試分校之彼今以服闋將赴補議禮曲臺資掌故，鋒車莫漫出山遲。

西湖晤袁子才書贈

不會識面早相知，良會真成意外奇。才可必傳能有幾，

老猶得見未嫌遲。蘇隄二月春如水，杜牧三生髻有絲。

一个西湖一才子，此來端不枉遊資。

去歲莊似擬自陝回，秋帆開府寄聲慰。信且約余

作陝遊，今似擬赴陝與余結伴行。有日矣會時

將伏暑，遂不果寄詩述懷。

形勝三秦控塞垣，儒臣開府鎮雄繁。

帝將節鉞儲良相，世仰文章稱狀元。千騎上頭雙纛肅，

九州西面一關尊。立身豈但蓬山頂，要使勳高華嶽論。



一從初服返茅齋，屢接郇箋老眼指。出處豈關天下望，寒暄偏累故人懷。春風渭樹人千里，秋露秦葭水一涯。不是雲霄能念舊，誰從林下問芒鞋。

驅車已擬赴臨漳，半為尋詩半訪公。召伯化從分陝見，賈生文愛過秦工。身非熱客愁衝暑，時正炎官欲逞雄。我本苦吟驢背者，來須風雪滿橋中。

王述菴從軍滇蜀凱旋後超擢廷尉茲乞假歸葬事畢還朝道經昆陵停舟話舊賦贈

滇疆蜀徼佐軍籌，秦凱歸來進秩優。蟣蝨久知生介冑，貂蟬真見出兜鍪。公蒙恩賜孔雀翎 焚黃 詔特榮先奠，飛白書應

起

賜樓

新構第七

卻憶吾家老元叔，與公會共赴星郵。

傷璞而殉難也

三四一聯精切工雅傳誦京師不虛也 德麟

大學士雲巖阿公平，金川後治河豫省事畢趨赴行在道經淮城相見話舊敬呈

信有 熙朝柱石臣，文經武緯贊鴻鈞。蠶叢路闢千重嶺，麟閣形圖第一人。郭令勲名真蓋世，范公憂樂總關民。十年重見頭還黑，此是蒼生福正新。

征南幕下記趨隨，親見籌邊策不遺。意氣人皆吞小醜，事權公是統偏師。畫灰回憶爐邊字，剪燭重論局後棋。今日勲庸滿天下，苦心能得幾人知。

甘苦共嘗故不覺其言之親切保泰



渡江

塵沙千里黥征衫，今日金焦覽碧巉。潮定未分消長水，風橫兼使往來帆。過山不上僧含笑，擬登金山不果到岸無驚客。解嚴計日鄉園看梅雨，遙知濃綠滿松杉。潮定一聯新絕

晚泊京口

浩浩江頭沸市聲，戢篙暫候晚潮生。大風白浪平吞岸，落日青山半入城。地險南徐曾作鎮，時清北府漫論兵。一編丁卯詩人集，留伴孤舟對月明。通首雄渾枚

喜晤嵇蘭谷話舊

記得班荆在黟蒼，君官海時辦軍郵黟蒼山下余從軍過之談竟夕軍郵千仞正輸將。半

空有路聞雞犬，六月如冬下雪霜。往事俄成泥爪幻，均徭猶頌口碑長。可應髀肉潛生後，重話生平舊戰場。

蔡節婦詩

姓張氏諸生蔡士荀妻三歲而寡撫孤謙光成立

女流中有此鬢眉，髻髻當門隻手支。舉案風情三歲可，避人涕淚九原知。冷灰畫荻孤兒字，宿火鳴機寡女絲。今日泥書旌綽楔，清芬長附柏舟詩。

官嶂山晚眺

蓬萊弱水是耶非，萬頃烟波繞翠微。遠鳥似投天外去，神魚或出浪頭飛。日斜樵徑歸柴擔，風起鼠船打水圍。如此湖山近鄉社，真慚不早結漁磯。



村舍即事

結習深知癖未除。時供流輩笑軒渠。懶愁束帶見生客。  
老尚典衣求異書。肯聽足音空谷外。稍留目力短檠餘。  
山妻來告餐無肉。答道今朝正喜蔬。

解嘲敢引北山文。游惰仍慚穀不分。每勸人為善樂。  
貧惟教子讀書勤。漢陰機息無爭俗。韋孟詩成總舊聞。  
報國已無康濟具。或於風教補微勲。

一編勤過舉場時。積漸家風暗轉移。柳氏婢能輕賣絹。  
白家嫗亦托知詩牀。無阿堵煩人舉。手有摩尼誦佛持。  
只恐風流遂成習。滿門俱作虎頭癡。

鄰翁邀我饌香秔。雜坐何嫌笑語僇。將酒勸人無惡意。  
借花獻佛也真情。杜陵泥飲遭田父。阮籍酣呼對老兵。  
短髮飄蕭晚歸去。路人喚作醉先生。

結句風趣獨絕舟

與杏川念肥再渡太湖至馬蹟山

又指夫椒泛蔚藍。共嗤此老近游貪。氣吞雲夢尚八九。  
人在野航恰兩三。風月從來無盡藏。湖山寧厭有幽探。  
墓田丙舍如營就。便擬幽棲吸翠嵐。

時為先  
母營葬地

哭外舅大學士程文恭公

黃扉方仰贊鴻鈞。何意騎箕遽返真。上殿每陳寬大語。  
舉朝共服老成人。故鄉屋僅堪容膝。退直書常擁等身。



欲識蓋棺公論定，早聞歎息徧朝紳。

官班台輔壽耆年，寧復餘恫抱九泉。老去香山猶望子，

病來疏廣未歸田。公以姪為嗣，晚年常有乞身之思，以恩重不敢請。孤寒有客傷垂淚，

言行何人錄作編。慚愧向蒙元獻愛，難將薄劣繼薪傳。

上元夕毘陵驛前泊舟與蓉龕前輩看燈

聯舟小泊運河濱，正是元宵節物新。邀月恰邀邀月客，

看燈兼看看燈人。官符不下城門鎖，使節猶遲驛騎塵。

冠帶迎賓尚遊戲，可知都是野鷗身。時陳玉亭制府將過同出迓之。

和敬輿見題拙集之作

一編寧復賭時名，聊遣閒愁自課程。身到罷官如敗將，

詩因遇敵想交兵。才無列宿胸羅富，味憶沉香鼻觀清。

多愧故人虛獎借，尙嫌熟處未求生。

將入都留別蓉龕蓉溪秋園敬輿緘齋諸人

幽棲十載穩江鄉，忽被鑼聲催上場。有幾故人皆白髮，

多年老婦再紅粧。連宵置酒煩驪唱，往日聯裾似雁行。

別後定知真率會，也應為我一停觴。

途次先寄京師諸故人

防墓粗完四尺墳。四月初間營先母葬事畢。此身敢遂鹿麋羣，縱貪野笠

非高士，未忘朝簪為

聖君柔櫓輕搖南浦水，征衣猶帶北山雲。最憐手植成



圍柳臨別依依縮夕曛

身托循陔十載間。本期再出玷朝班。敢憑奉母三遷里。便作辭官六聘山。行笈封題新字濕。朝衫拂拭舊痕斑。只慚經濟無毫髮。終恐虛糜廩粟頒。

一出春明廿載遙。衰遲敢復逐時髦。江文通已無殘錦。藍采和惟有舊袍。仕宦幾家收局好。聲名平日在山高。祇應晚節供描畫。共笑巢山下拜勞。

喫過鱗魚始出門。問渠何事戀江村。家貧婦或勞兼婢。身老兒還小似孫。惘惘可憐原俗態。悠悠相望也銷魂。始知膽力非年少。愧以孱羸說報恩。  
身老句可移贈子才

高郵弔毛惜惜

本娼女也南宋末城破後賦將呼之侑酒大罵不屈死

死忠事豈責蛾眉。樂籍偏成此段奇。聶隱技空稱俠女。海青身尙是男兒。胭脂香慘花爲血。環珮魂歸月浸屍。多少鬢眉盡何處。并無凝碧暗吟詩。

將至臺庄忽兩臂頓患風痺客中無醫徹夜酸痛

廻舟歸里感成三律情見乎辭

陸程正擬上征鞍。忽中風痺兩手攣。人笑暮年重出仕。天將衰疾教休官。曲肱已碍牀安卧。折臂翻如石自殘。灼艾連朝凡幾炷。可憐徹骨夜呼酸。

憶昔從軍絕徼秋。擬憑赤手縛蠻酋。曉涸瘴水羊渾脫。



夜枕腥皮虎鬪。體弓為臂強。翻覺軟檄當腕脫。尚能道如何一副幽燕骨。今日衰殘作贅疣。

警絕

來往郵程一月期。歸航仍繫綠楊枝。里鄰笑容原輕出。猿鶴催文已久移。散遣僮奴佳處去。收藏袍帶祭時披。慚他斗酒山妻話。枉費臨行餞伏雌。

養疾未愈書感

經時衰疾卧江天。芒角空煩到酒邊。老我頭顱將壓雪。看人圖畫到凌煙。蒼生猶或期安石。聖主何曾棄浩然。自是書生貧薄命。晚途只許托林泉。御屏曾荷記微臣。何忍江湖作隱淪。如許百年空付我。徒將萬卷去驚人。看花紫陌懷前度。種藥青山過此身。歲晚滄江幾回首。卿雲五色麗高旻。

蒼涼

觀穫

依舊平疇方辨痕。疎行一一見陳根。遭風今歲多禾弟。

呂覽禾先生者為米後生者為秕故耨者長其兄而去其弟過雨他時有稻孫。稻已穫其根得雨復長曰稻孫米蒂取以名樓

見說人似翅開飛蛺蝶。擔稻者蝗如樹倒散猢猻。稍欣計日

堪催釀黃葉。秋風正打門。

哭杏川老友

幾才能啖肉盈斤。方謂天教健補貧。誰料汝為長夜客。始驚我亦暮年人。白楊蕭瑟魂安托。元草飄零字尚新。



同學弟兄亡過半此身雖在已傷神

歲暮雜詩

頻年出處兩躊躇病廢今真守做廬身退敢談天下事  
心齋惟對古人書蓋頭有屋新編草食肉無錢慣茹蔬  
預擬明春看花會門生兒子昇籃輿

少日虛名冀北空老來羞述舊豪雄目中敢謂無餘子  
海內漸忘有此翁鎖院草麻雞唱月郵亭揮檄馬嘶風  
追思寸管矜才地尙落禪家習氣中

消閒何物度晨昏一縷爐烟息衆喧歌舞戲場無樂地  
英雄歸路有儒門勤抄先訓編家法虔祝豐年報

國恩青史他年傳人物少微星尙在江村

億生乞假南歸京華故人程蕞園孫補山張吟薌

諸公俱寄聲存問感賦

屏居誰問讀書燈只有生平幾舊朋科老將如祧廟主  
官休已似退堂僧書來輦下人千里夢對窗前月半棧  
自是名流憐臭味相思何日辦行蹤

開心餘京邸病風却寄

江湖十載穩漁簑重入詞垣鬢已皤只擬老當嘗蔗美  
誰知上有積薪多遷官階淺思烏府

送御史已蒙  
上記者  
過客門稀感雀羅天末相思那得見翻君舊稿



一吟哦

跋扈詞場萬敵摧。如何乃築避風臺。少貪酒色終償債。老訂詩文幸滿堆。木有文章原是病。石能言語果為災。可憐我亦拘攣臂。千里相望兩廢材。

億生以其先高祖恭毅公中丞世德詩冊屬題敬

書於後

百年門第映朝霞。遺澤真看累葉賒。父老尙因碑墮淚。子孫能保笏傳家。青楊巷古常排戟。紅藥階深又草麻。

自公至緘蓋皆職任今映川又官中書舍人

一頌遂成操左券。豈徒集錦麗詞華。

雲巖相公奉使再過常州舟次趨謁敬賦

使節經臨許再攀。喜看丰采尙朱顏。千秋人在英雄傳。

一等官高將相班。瓠子河新平濁浪。蓬婆軍久靖遙關。

錄囚豈足煩公到。要飭官方立檢閑。

公方赴浙江治苞苴之獄

第一孫生誌喜

中歲纔經嫁娶期。未遊五岳髯先絲。家貧聊喜添丁富。

孫早差償得子遲。賀客競稱循吏報。老妻自詡作婆時。

笑他白髮程文海。七十平頭始抱兒。

程叢闈年近七旬今歲始得子



英。齡。自。是。經。文。辭。子。中。平。匪。故。能。泉。

自今效故賢  
君燕園平並小

英。山。美。辭。林。千。發。質。容。蕙。麻。消。東。癖。法。斐。自。隨。升。變。却。

中。效。辦。辦。變。世。未。盡。正。雷。霹。火。絲。寒。貧。卿。喜。添。丁。富。

百年策一經

殺。囚。豈。只。取。公。匪。要。首。官。式。立。劍。開。

守葛直文繼  
公式快漸云

一。等。官。高。深。昧。挺。應。千。何。祿。平。齒。斯。登。嬰。軍。八。散。發。關。

與。前。聲。調。情。再。攀。喜。昏。半。采。尚。米。隨。千。楚。人。亦。英。誠。出。



早稲田大学図書館

011888007786